



تلخيص المحاضرة التاسعة عشر

سورة الحديد ج 3

- قال تعالى {اعْلَمُوا أَنَّهَا الْحَيَاةُ الدُّنْيَا لَعِبٌّ وَلَهُوَ وَزِينَةٌ}

«إيه هو المعنى الجامع لكل الشهوات وكل المشاكل؟ المعنى الجامع هو كلمة واحدة {الدُّنْيَا}، طريقة القرآن في إن هو يجيب المرض الأساسي(الدنيا) ومش بيتكلم عن أعراض كثير(شهووات الدنيا بأنواعها).

يعني إيه مشكلة الدنيا والآخرة يا جماعة؟

الدنيا دنيا والآخرة آخرة متغيروش وقدّر الدنيا هو هو وقدّر الآخرة هي هي لا الدنيا بتكبر ولا الآخرة بتصغر، ولا الدنيا احلوت ولا الآخرة قلت حلاوتها طب إيه اللي بيحصل؟ اللي بيحصل هي في نظرك... نظرك فين؟ طيب إحنا عارفين إن {وَالْآخِرَةُ خَيْرٌ وَأَبْقَى} [الأعلى : 17] صح طيب ليه ربنا بيقول مرض {بَلْ تُؤْثِرُونَ الْحَيَاةَ الدُّنْيَا} [الأعلى : 16] ليه؟ عشان الفكرة كلها إنت شايفها إزاي؟

«أنا بقرب الدنيا من عينيا والآخرة بتبعد ؛ هبقى شايف الدنيا كبيرة أوي وشايف الآخرة صغيرة فأنزل بقى على الاختيارات بلاقي نفسي بختار على طول الدنيا فيتعرض عليا مال حرام بقبله مش عارف ليه مع إني عارف إنه حرام بس مش عارف ليه ضعفت قدامه!

«» في الحقيقة لأن القيمة انتي شايقة الدنيا كبيرة انتي عارفة إن :
{وَالْآخِرَةُ خَيْرٌ وَأَبْقَى} كمعلومة لكن ك رؤية لأ

إيه الحل بقى في الموضوع ده؟

«» الحل إن إنت دائماً تعرض نفسك على الوحي لأن الوحي هو الحاجة الوحيدة اللي هترجعك للموازن المضبوطة.

يعني إيه اللعب واللهو؟

«» البعض قال اللعب هو اللي بيحبك في الدنيا واللهو هو اللي يشغلك عن الآخرة والبعض قال اللعب هو ما يكون في الجوارح واللهو هو ما يكون في القلب...

إحنا في مرحلة اختبار (الدنيا) عشان نوصل للحقيقة (الآخرة).

- قال تعالى {زِينَةً} الزينة دي بقى الناس عاشوا عشانها وبدأوا يتفاخروا بيها {وَتَفَاخُرُ بَيْنَكُمْ} بقينا إحنا بنعلي على بعض في الزينة وفعلاً هو ده اللي الناس بتعمله الناس بتطلب الآن الدنيا ليس لكي تُقربهم إلى الله ولكن تفاخر محض.

- قال تعالى {تَكَاثُرُ فِي الْأَمْوَالِ وَالْأَوْلَادِ}

«» أنا عايز أتفاخر هيترتب عليه تكاثر قاعد أنا بتكاثر بزود وبعلي حتى الولاد بقت تكاثر بقت نيتنا إن أنا أخلف كتير عشان أجيب الولد.

- قال تعالى {كَمَثَلِ غَيْثٍ}

«كل اللي إنت فيه ده حلم وهتكشف إن إنت كنت مغفل ونايم وصحيت مرة واحدة».

- قال تعالى {زَهْرَةَ الْحَيَاةِ الدُّنْيَا}

«الوردة هي منظر بس هو في الحقيقة كلمة {زَهْرَةَ} دي مفيدة جدًا لإن الوردة مفهش أي نفع هي منظر بس وريحة حلوة لكن أكل مفهش شرب مفهش ملهش عائد على الإنسان إلا شكل بس وهي أسرع شيء بيدبل على طول، فالدنيا كده هتلاقي نفسك فجأة كل حياتك راحت وكل حاجة راحت مرة واحدة».

- قال تعالى {ثُمَّ يَكُونُ حُطَامًا}

«مرة واحدة مت ورثها اللي بعدك حُطَامًا، وفي الآخر تلاقي نفسك مرة واحدة في الآخرة وبتحاسب على كل حاجة، وعلى الغل وعلى الكيد وعلى الإستعلاء وعلى الكبر».

وفي الآخرة فيه إيه؟ {وَفِي الْآخِرَةِ عَذَابٌ شَدِيدٌ}.

أنا بطلب الدنيا ليه؟

- 1- أنا بعف نفسي عن سؤال الناس ودي حاجة ربنا يحبها.
- 2- اليد العليا خير من اليد السفلى إن أنا يبقى معايا فلوس وأتصدق.

3- ربنا يحب الإيد العاملة (هذه يدُ يحبها الله ورسوله) كل الأنبياء كانوا يشتغلوا فأنا زعيم بشتغل بتكسب رزق.

4- إن أنا لما يبقى معايا فلوس كثير هتصدق وده هيساعدني على الصدقة ، هيساعدني على الحج والعمرة ، هيساعدني على الدعوة إلى الله.

5- بشتغل ليه؟ بشتغل عشان يبقى المسلم الملتزم موجود في أماكن الشغل أحسن ما يبجي غيري مش ملتزم يُفسد فأنا بمنع الفساد ، بقلل الشر ، بمنع الظلم ، بقدّم صورة كويسة للمسلم الملتزم ببقى دعوة للناس اللي حواليا.

- قال تعالى {سَابِقُوا إِلَى مَغْفِرَةٍ مِّن رَّبِّكُمْ وَجَنَّةٍ عَرْضُهَا كَعَرْضِ السَّمَاءِ وَالْأَرْضِ}

«» فاللي يفهم الموضوع ده هيعرف هو بيسابق لإيه أنا مش بسابق حد أنا بسابق نفسي أنا مش بسابق حد أنا بسابق للآخرة {مَغْفِرَةٍ مِّن رَّبِّكُمْ} يعني أسباب المغفرة.

- قال تعالى {وَجَنَّةٍ عَرْضُهَا كَعَرْضِ السَّمَاءِ وَالْأَرْضِ}

«» ما شاء الله والعرب بتعبر عن الحاجة الكبيرة بالعرض لأن الطول دائماً بيبقى أكبر من العرض فلما أقولك عرضها كعرض السماء والأرض فتقعد تتخيل أومال الطول عامل إزاي!

- قال تعالى {أَعِدَّتْ لِلَّذِينَ آمَنُوا بِاللَّهِ وَرُسُلِهِ ۖ ذَٰلِكَ فَضْلُ اللَّهِ ۝}

«» بعد ما تعمل كل ده متنساش نفسك كل ده فضل من ربنا وربنا اللي هداك وربنا اللي وفقك **فالشكر قرين المزيد** ومن أسباب الثبات إنك متنسبش الفضل لنفسك ومن أسباب الإنتكاس إن إنت تنسب الفضل لنفسك وربنا هيخذلك لو مشكرتوش اشكر وتواضع وافتقر تنجو.

- قال تعالى {كَمَثَلِ غَيْثٍ أَعْجَبَ الْكُفَّارَ نَبَاتُهُ}

«كلمة الكفار تأتي بمعنى الفلاحين لأن كلمة (كفر) في اللغة بمعنى غطي،
عشان كده الكُفر يسمى كُفر لأنه تغطية للإيمان فالفلاح لأنه يحيط البذرة
وبيغطيها بالأرض بيتسمى في اللغة كافر.

- قال تعالى {مَا أَصَابَ مِنْ مُصِيبَةٍ}

«معناها خطير جداً طيب هنا النقلة نقلة جامدة جداً نقلة للقدّر ربنا يقول
إن أي مصيبة في الأرض ولا في أنفسكم كتبناها قبل كده مكتوبة عند الله
سبحانه وتعالى، {إِلَّا فِي كِتَابٍ} يعني اللوح المحفوظ، {مِّن قَبْلِ أَنْ
نَّبْرَأَهَا} يعني من قبل أن نخلق الخليقة نفسها.

«اختلفوا {نَبْرَأَهَا} دي عائدة على إيه لإن إحنا عندنا 3 حاجات

1- من قبل أن نبرأ المصيبة؟

2- ولا من قبل أن نبرأ الأرض؟

3- ولا من قبل أن نبرأ الأنفس؟

- تحتل الثلاثة وممكن نقول عشان نجمع كل الأقوال من قبل أن نخلق
الخليقة فلو قولنا من قبل أن نخلق الخليقة هتشمّل الثلاثة ونطلع من الخلاف
خالص

- قال تعالى {لِكَيْلَا تَأْسَوْا عَلَىٰ مَا فَاتَكُمْ وَلَا تَفْرَحُوا بِمَا آتَاكُمْ} وَاللَّهُ لَا
يُحِبُّ كُلَّ مُخْتَالٍ فَخُورٍ {

«الآية دي بتكلمنا عن ثمرة إنك مؤمن أن الله علم وكتب ، كتب مقادير الخلائق الكتابة دي تفرق معايا في إيه؟ إيه آثارها الإيمان عليا؟ أثرها الإيمان لما بيحصل مصيبة بتعمل معايا إيه؟ بتهدى الحزن عندي ميوصلش للأسى اللي هو الإفراط في الحزن وبتخلي الفرح ميحصلش فيه إفراط ويوصل للعجب.

«سيدنا علي بن أبي طالب بيقول كلمة عظيمة اكتبوها بيقول "لولا المصائب لوردنا على الآخرة مفاليس"

- قال تعالى {لَقَدْ أَرْسَلْنَا رُسُلَنَا بِالْبَيِّنَاتِ}

«البيّنات يعني الأدلة الواضحة على الوحي، الأدلة الواضحة على الله.

- قال تعالى {وَأَنْزَلْنَا مَعَهُمُ الْكِتَابَ}

«الكتب السماوية كلها نزلت عليهم هنا الكتاب المقصود بيه الكتب جنس الكتب يعني {الْكِتَابَ وَالْمِيزَانَ} إيه هو الميزان؟ الميزان المقصود بيه العدل والقسط {لِيَقُومَ النَّاسُ بِالْقِسْطِ} يعني الكتاب فيه العدل وفيه القسط أي قانون تاني وضعي عمره ما هيكون فيه عدل أبدًا العدل في دين الله وفي حكم الله.

- قال تعالى {وَأَنْزَلْنَا الْحَدِيدَ فِيهِ بَأْسٌ شَدِيدٌ وَمَنَافِعُ لِلنَّاسِ وَلِيَعْلَمَ اللَّهُ مَن يَنْصُرُهُ وَرُسُلَهُ بِالْغَيْبِ إِنَّ اللَّهَ قَوِيٌّ عَزِيزٌ}

1- ذكر الحديد هنا هو إمتنان عموماً يعني دي أولاً آية فيها إمتنان إن ربنا جعل معدن عظيم زي معدن الحديد تقوم عليه كل مصالح الناس.

2- ليه بأس شديد وإيه علاقتها بالكتاب؟ قالك لأن الكتاب جاء لهداية الناس ولضبط الناس فمن اتبع الكتاب اهتدى وانضبط وانزجر عن المعاصي وأصلح في الأرض ولم يُفسد طيب اللي بقى ملتزمش بالكتاب نعمل معاه إيه؟ الحل معاه الحديد، يعني إيه الحديد؟ يعني إستعمال القوة يعني إستعمال التهديد ، يعني إستعمال الحدود.

««هل السيف كان سبب في إنتشار الإسلام؟ طبعًا طبعًا لأن هو كان سبب في الفتوحات بسبب السيف فُتحت البلاد.»»

««[أن هدف الجهاد هو رد أعظم حقوق الإنسان للإنسان] أن يكون له حرية السماع عن الله وعن الدين الحق بلا تشويش ولا تشغيب + حرية إعتناق الدين الحق بلا تهديد ولا وعيد.»»

- قال تعالى {وَلِيَعْلَمَ اللَّهُ مَن يَنصُرُهُ وَرُسُلَهُ بِالْغَيْبِ}

««الحديد ده ممكن يبقى سلاح ذو حدين ممكن تستعمله في نُصرة الدين والجهاد وإقامة العدل وممكن تستعمله في البطش والظلم والقنابل الذرية والنووية والإعتداء على الناس فالحديد فتنة سلاح ذو حدين، ربنا مش محتاجك ولا محتاج الحديد ولا محتاجكوا كلكوا: {إِنَّ اللَّهَ قَوِيٌّ عَزِيزٌ}

- قال تعالى {وَلَقَدْ أَرْسَلْنَا نُوحًا وَإِبْرَاهِيمَ وَجَعَلْنَا فِي ذُرِّيَّتِهِمَا النُّبُوَّةَ وَالْكِتَابَ}

««سيدنا نوح أبو البشر الثاني، وسيدنا إبراهيم أبو جميع الأنبياء اللي بعده فدايمًا سيدنا نوح وإبراهيم بيذكروا عشان دول آباء جميع الأنبياء.»»

- قال تعالى {فَمِنْهُمْ مُّهْتَدٍ وَكَثِيرٌ مِّنْهُمْ فَاسِقُونَ (26) ثُمَّ قَفَّيْنَا عَلَىٰ آثَارِهِم بِرُسُلِنَا وَقَفَّيْنَا بِعِيسَى ابْنِ مَرْيَمَ}

««« **وليه قفل بعيسى ابن مريم؟** لأن عيسى ابن مريم هو فعلاً آخر رسول قبل النبي عليه الصلاة والسلام لا يوجد بين محمد صلى الله عليه وسلم وبين عيسى لا رسول ولا نبي.

- قال تعالى {وَقَفَّيْنَا بِعِيسَى ابْنِ مَرْيَمَ وَآتَيْنَاهُ الْإِنْجِيلَ وَجَعَلْنَا فِي قُلُوبِ الَّذِينَ اتَّبَعُوهُ رَأْفَةً وَرَحْمَةً}

««« جعلنا في قلوب الذين اتبعوه البعض قال المقصود بيه أصحابه اللي هما الحواريين اللي هما اتبعوه وآمنوا بيه جعل في قلوبهم رأفة ورحمة ليه؟ لأن رسالة عيسى عليه السلام كانت رسالة روحانية أخلاقية تزكوية هذبت أتباع عيسى عليه السلام وهي في الحقيقة مش رسالة مستقلة إنما رسالة عيسى... قفينا يعني اتبعنا، رسالة عيسى كانت مُكملة لرسالة موسى.

««« فهنا إما المقصود اللي اتبعوه الحواريين أو المقصود عموم أتباع عيسى عليه السلام حتى أتباع عيسى اللي بعد كده حتى بدلوا وغيروا مازال بالمقارنة باليهود هم قلوبهم أرحم من اليهود.

- قال تعالى {وَرَهْبَانِيَّةً ابْتَدَعُوهَا مَا كَتَبْنَاهَا عَلَيْهِمْ}

««« النصارى بعد عيسى عليه السلام عاشوا على التوحيد فترة وبعد كده حصل التبديل ده يعني دخل موضوع التثليث وبدأ التثليث ده يعتنقه السلاطين والملوك في زمانهم فبدأ السلاطين والملوك يضطهدوا اللي هما على التوحيد فبدأ أصحاب التوحيد يعتزلوا الناس عشان يهربوا بدينهم فكان الموضوع في البداية إعتزال الناس غرضه الهرب بالدين من الإضطهاد، تحريف الدين ده انتشر جامد جداً لغاية ما وصل للرهبان أنفسهم يعني حتى

الرهبان الأوائل هربوا بدينهم عشان التوحيد وبعد كده انتشرت عقيدة التثليث لدرجة إن هي الرهبان نفسهم بدلوا وغيروا وبقو على التثليث.

««« ورهبانية إبتدعوها إن هما كملوا في الرهبانية وجعلوها من دينهم مش مجرد حالة إضطرار ده إبتداع.

««« فربنا بيقول حتى دي معملوهاش .

1- الرهبة إبتداء بدعة وعشان كده النبي عليه الصلاة والسلام قال: (لا رهبة في الإسلام).

2- بدأوا ي اخترعوا جوه الرهبة اللي هي هدفها أصلاً أنا ببعد بس عن الناس عشان التعبد بدأ جوه يحصل تفاصيل ما أنزل الله بها من سلطان بدأوا ميكلوش أكل معين يحرّموا على نفسهم أكل معين زي دلوقتي إلى الآن الرهبان والقساوس في النصارى حرّموا على نفسهم الزواج، حرّموا على نفسهم الإستحمام والتنظف وبدأوا يتباهوا بالقذارة وبأكل العفن وباللبس العفن وبدأوا يتباهوا بالقذارة فضلاً عن الشرك، فضلاً عن التثليث.

- قال تعالى {فَاتَيْنَا الَّذِينَ آمَنُوا مِنْهُمْ أَجْرَهُمْ}

««« اللي هما آمنوا بالإيمان الحقيقي وكانوا أتباع المسيح صح قبل بعثة محمد عليه الصلاة والسلام كانوا على التوحيد وعلى الدين الحق المسيحي اللي مبدلوش ومغيروش حاجة.

- قال تعالى {يَا أَيُّهَا الَّذِينَ آمَنُوا اتَّقُوا اللَّهَ وَآمِنُوا بِرَسُولِهِ}

«« هنا الخطاب لمين؟

1- البعض قال الكلام هنا المقصود بيه أهل الكتاب لأن ربنا يقول { اتَّقُوا اللَّهَ وَآمِنُوا بِرَسُولِهِ } هو مين اللي مش مؤمن بالرسول عليه الصلاة والسلام؟ أهل الكتاب فالكلام هنا لأهل الكتاب.

2- قال لأ الكلام هنا لأهل الإيمان مش لأهل الكتاب لأن أصلًا الهدف من السورة كلها هو الكلام لأهل الإيمان والكلام على أهل الكتاب كان عبرة ليهم فالخطاب هنا مش لأهل الكتاب أصلًا إنما السورة بتخاطب أهل الإيمان وبتضربلهم مثل بأهل الكتاب وبتحذرهم من أفعالهم.

- قال تعالى {لِّئَلَّا يَعْلَمَ أَهْلُ الْكِتَابِ}

«« أي لكي يعلم أهل الكتاب واللا ديت توكيدية {لِّئَلَّا يَعْلَمَ} يعني ليعلم أومال اللا دي إيه؟ لا توكيدية {لِّئَلَّا يَعْلَمَ} أي ليعلم أهل الكتاب علمًا مؤكدًا.

- قال تعالى {وَاللَّهُ ذُو الْفَضْلِ الْعَظِيمِ}

«« عشان تقولك إن سر ثباتك ففرك لله، عشان تقول إن سر ثباتك هو حسن رجاءك في الله ذو الفضل العظيم وإن إنت لو إهتديت فبفضله وإنت لو ربنا كرمك يبقى بفضله، ولو ثبت يبقى بفضله، ولو أُجرت يبقى بفضله كل ما تفتقر كل ما تثبت.

سبحانك اللهم ربنا وبحمدك أشهد أن لا إله إلا أنت أستغفرك وأتوب إليك